

չինեալ և Բ տղայ անդ եղեալ, զի ամիլէր մինն ըզ-
գլուխ¹⁾ միւս մանկան՝ իւրեանց կրպակի սարօքն,
սփածանելօք և մանտիլօք և հալելովք:

Ժա. Եւ ապա բանակն տնտեսից որ զամենայն ինչս
եփեն ուտելոյ, որ ասի աշճի, և պետք սոցա. նոյն-
պէս և զգեստ մանկանցն եւս եւ խանութ շինեալ ի
վերայ ըզտոյ, զի այր մի վառեալ կրակ և եփէր զկե-
րակուրն եւ բաժանէր աման առ աման, եւ ընդ սոցա
եւս փողք եւ թմբուկք²⁾, որպէս առաջնոցն, եւ ընդ
սոցա պօյածինն եւ թխածախքն:

Ժբ. Եւ բանակն փոքր որ ասեն արփածի, նոյն
գունակ հանդերձիւ³⁾, և ցանէր զգարինն երթալով ի
ճանապարհին, այն որ յերիվարս էր հեծեալ:

Ժգ. Եւ բանակն չուխայից եւ ղուժաշիցն փոքր,
զոր էին Հրէայք հանդերձ Բ պետօք որ էին ձիա-
ւորք, եւ Բ Տաճկօք:

Ժդ. Եւ ապա եկն բանակ մուճակածախիցն որ
ասի ղաւաֆ, եւ պետք սոցինն ձիաւորեալ նոյնպէս,
եւ ամենեքեան զինուք բազում զօրօք, եւ եւս սոքա
թմբկօք⁴⁾ եւ փողով մեծաւ եկեալ անցին, եւ ման-
կունք կարէին ի վերայ ձիոցն անարգել. ընդ սոսա
էին⁵⁾ կարողքն մուճակից, զոր սոքա ուրոյն են ի
ղաւաֆիցն, եւ էսկիճինն եւս ընդ սոսա էր:

Ժե. Եւ ապա բանակն դարբնաց նոյնպէս զինուք
եւ պետք նոցինն եւս յետ եւ յառաջ, զոր խառնէին
ընդ Հայս հեծեալք եւ ընդ սոսա էր մախասճինն եւ
նալչածինն:

Ժզ. Եւ ապա ղազէզն, նոյնպէս և սոքա և պետք
եւս նոյնպէս, եւ մանկունք նստեալ ի վերայ ջորոցն
գործէին զգործն, եւ սոքա եւս ունէին ընդ իւրեանս

1) գլուխ 2) թմբուկս. 3) հանդձիւ. 4) թմբկօք. 5) էր-